



SUATEA

SINDICATU UNITARIU Y AUTÓNOMU DE TRABAYADORES DE LA ENSEÑANZA D'ASTURIES -
C.I.F.: G33 027632
C/ Telesforo Cuevas 2, 1ª A dcha. - 33005 - Uviéu. Tfno. 985 274 343. Fax. 985 236 464.
E-mail: suatea@suatea.org Web: www.suatea.org

LA CONSEYERÍA EDUCACIÓN NUN RESPETA LOS DERECHOS LINGÜÍSTICOS DE LOS PADRES Y ALUMNÁU DE SECUNDARIA.

Otra vez más, dende SUATEA vémonos obligaos a denunciar, énte la opinión pública, el tratu discriminatoriu que sufre l'alumnáu asturiano de Secundaria al que nun se-y respeten los derechos llingüísticos básicos recoyíos na llexislación vixente. Esti ye'l casu d'un alumnu d'un institutu Xixón que depués de recibir clas d'Asturianu en tola etapa Primaria y seguir en primeru la ESO; nel segundu cursu dísviase pa la optativa de Francés ensin habela cursao en primeru, ensin habela escoyío y, lo que ye más grave, ensin autorización de los pas. Tórgase-y automáticamente la so escolarización n'Asturianu por ser la única persona de segundu que la escoyó como **optativa** y, non solo esto, sinón qu'automáticamente ensin mediar comunicación col alumnu nin la familia, cámbiase-y la so elección incorporándolu obligatoriamente pa un grupu de Francés en cuenta d'Asturianu.

Magar que la resolución 16 de mayu de 2008 de la consejería Educación, pola que s'establez la ufierta y les condiciones pa la elección de materies optatives y materies opcionales pa la Educación secundaria obligatoria, fala d'un mínimu d'ocho alumnos pa formar un grupu d'una optativa, tamién prevé qu'**especialmente** se formen grupos con menos alumnos.

Dende SUATEA esiximos qu'unque seya "especialmente" pa la Consejería, se respeten los derechos del alumnáu asturiano, s'acabe cola situación d'**especialidad de la enseñanza la nuestra llingua y se dicten normas y reglamentos acordies coles lleis en vigor.**